



Broj: 03-11-7-305-10/23
Sarajevo, 06.04.2023. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama ("Službeni glasnik BiH," br. 39/14 i 59/22) i Preporuke Komisije za javnu nabavku, broj: 03-11-7-305-9/23 od 05.04.2023. godine, u postupku javne nabavke kompjuterskog materijala – tonera za Agenciju za državnu službu FBiH, direktor Agencije za državnu službu Federacije BiH, donosi

ODLUKU o izboru najpovoljnijeg ponuđača

Član 1.

Prihvata se Preporuka Komisije za javnu nabavku robe, kompjuterskog materijala - tonera za Agenciju za državnu službu FBiH, broj: 03-11-7-305-9/23 od 05.04.2023. godine i okvirni sporazum za nabavku predmetne robe, na period od 12 mjeseci, dodjeljuje se ponuđaču R&S d.o.o. Sarajevo, prema ponudi, broj: 10414/23 od 03.04.2023. godine, za ponuđenu cijenu od 5.984,95 KM, bez PDV-a, odnosno, 7.002,39 KM sa PDV-om.

Član 2.

Prijedlog okvirnog sporazuma za javnu nabavku predmetne robe, dostavit će se na potpis izabranom ponuđaču.

Član 3.

Ova Odluka objavit će se na web-stranici ugovornog organa, www.adsfbih.gov.ba, istovremeno sa upućivanjem iste ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke kompjuterskog materijala – tonera za potrebe Agencije za državnu službu FBiH, broj: 03-11-7-305/23 od 07.03.2023. godine. Javna nabavka je provedena putem konkurentskog zahtjeva za dostavljanje ponuda. Procijenjena vrijednost javne nabavke bez PDV-a, iznosi 6.000,00 KM.

Obavijest o nabavci, broj: 167-7-2-1-41-3/23 objavljena je na Portalu javnih nabavki, dana 23.03.2023. godine. Sa Portala Agencije za javne nabavka tendersku dokumentaciju preuzelo je 15 ponuđača.

Stalna komisija za javnu nabavku roba, usluga i radova, imenovana Rješenjem direktora Agencije, broj: 01-11-7-188/23 od 17.02.2023 godine, izvršila je otvaranje, te pregled i ocjenu zaprimljene ponude prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 1 (jedan);
- da je ponuda blagovremeno zaprimljena;
- da nije bilo neblagovremenih ponuda;
- da je pristigla ponuda prihvatljiva;
- da nije bilo neprihvatljivih ponuda



Komisija za javnu nabavku sačinila je Zapisnik o pregledu i ocjeni ponuda, te dala Preporuku Direktor Agencije da se okvirni sporazum na period od 12 mjeseci, za nabavku kompjuterskog materijala – tonera za potrebe Agencije za državnu službu FBiH, dodjeli ponuđaču R&S d.o.o. Sarajevo, koji je jedini dostavio prihvatljivu ponudu sa ponuđenom cijenom od ukupno 5.984,95 KM bez PDV-a, odnosno, 7.002,39 KM sa PDV-om.

U skladu sa tenderskom dokumentacijom, izbrani ponuđač je dužan u roku od pet dana, od dana dobijanja Odluke o izboru najpovoljnijeg ponuđača, dostaviti dokumentaciju kojom dokazuje vjerodostojnost date izjave o ispunjavanju uslova iz člana 45. tačke od a), c) i d) Zakona o javnim nabavkama BiH, traženu tačkom 3.3. Tenderske dokumentacije.

U postupku donošenja ove odluke, Direktor Agencije nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema iste. Žalba se podnosi Uredu za razmatranje žalbi Bosne i Hercegovine, putem Ugovornog organa, u pisanoj formi, u najmanje tri primjerka.


DIREKTOR
Refik Begić, magistar uprave

Dostaviti:

- ponuđaču
- računovodstvu
- spis predmeta
- a/a